



DONOSTIA 2016 INICIA EN GASTEIZ UN PROGRAMA DE ENCUENTRO Y PRODUCCIÓN TEATRAL, CON OCHO DRAMATURGOS. **PÁGINA 54**

'EL MINISTERIO DEL TIEMPO' LA SEGUNDA TEMPORADA DE LA POPULAR SERIE REGRESA EL PRÓXIMO DÍA 15. **PÁGINA 59**



Erromerietan eta plazetan ikasi zuten gure aurrekoek jota dantzatzeko. XIX. mendean, Basauriko San Miguel elizateko erromeria zen ospetsuenetako bat. *Argazkiak: AIKO Taldea*

AIKO Taldeak 'Jotamentala' estreinatuko du otsailaren 12an, EHUKo Bizkaia Aretoan. 'Erabateko dantzari' eskainitako dokumental "mamitsu eta ezustez betea" dela aurreratu dute taldekideek.

Iñaki Mendizabal Elordiren erreportajea

Jota, erabateko dantza

AIKO Taldeak urteak darabatzatza bere bizi-poza eta dantza zaletasuna han eta hemen zabaltzen eta kutsatzen. Dantza batez ere harremana dela sinestuta, erromeria askeak antolatzeko dituzte euskal herrietan, parte hartzaileen gozamenarako eta bisitarien harriturarako.

Beraz, proiektu horren beste pauso bat baino ez litzateke aurkeztu berri duten *Jotamentala* dokumentala, egitasmo handi baten barruan kokatu behar dena. Honela azaldu du asmoa, labur-labur, AIKO Taldeko Patxi Labordak: "Gure aspal-diko ideia da webgune pedagogiko bat egitea, eta horren atal bat baino ez da dokumental hau. *Jotamentala* dantza honen izaera eta historia esplikatuko nahi dugu, batzuen eta besteen testigantzak bilduz. Aurrerago, eta webgunearen bitartez,

hobeto azalduko ditugu jotaren ezaugarriak, pausoak eta doinuak, modu grafiko eta didaktikoan". Plataforma horretan grabazioak, partiturak, idazkiak, gogoetak, proposamen didaktikoak, ariketak, pausoak eta dantza herriko honi buruz ekarpena egin dezakeen edozein elementu sartu ahal izango da.

Euskaraz eta gaztelaniaz egindako film dokumentala da *Jotamentala*, eta 50 minututan jotaren inguruko ibilbide zorrotza egiten du, dantza tradizional horren jatorritik hasi, bilakaeratik eta aldaeretatik igaro, eta gaur egungo egoeran eta aurreikusten zaion etorkizunean amaitzeko. Esan gabe doa filmaren jatorria AIKO Taldeak jotaren aurrean duen debozioan dagoela. Beraiek *erabateko dantza* bezala definitzen dute jota: "Jatorrian Elizak bekatuzkotzat hartu zuena eta euskal

nazionalismoak garbi eta kasto bilakatua, landa inguruko munduari lotua, betidanik hirikoa izan den eta den arren, etengabe berriztatzen dena eta gaur egun erabat indarrean dagoen kultur adierazpena". AIKO Taldeko kide Sabin Bikandi erabat maiteminduta dago dantza molde honekin, "dituen erritmoengatik, ematen dituen aukerengatik". "Gure erreperiario kutunena da, jendeak gehien eskatzen duena", dio txistulari eta musikagileak. Baina ez dute bakarrik horigatik hautatu: "AIKO-ren dantza ulertzeko modua adierazten duen dantza motarik egokiena da jota. Harremana da, bikote dantza, jolaserako eta inprobisaziorako bidea, eta horrek aukerak biderkatzen ditu, dantzariarentzat zein musikariarentzat".

AIKO-ko kideez gain, Cesc Gelabert edo Jon Maya bezalako dantzariak eta koreografoak eta Juan Antonio Urbeltz, Jon Pertika, Iñaki Irigoyen edo Jose Inazio Ansorena bezalako folkloreaken ikerlariak eskaintzen dituzte euren testigantzak AIKOren eta BideoGrafik Ekoizpenak etxearan ekoiztutako *Jotamentala* lanean. Dokumentala otsailaren 12an estreinatuko da, arratsaldeko 19:30ean eta Bilboko EHUKo Bizkaia Aretoaren Auditorioan. Sarrera libre izango duela diote antolatzaileek, baina sartzeko gonbidapena beharrezkoa izango da.

'BEKATUZKO' ETA HIRITARRA AIKO-ko kideek behin eta berriz azpimarratzen dutenez, banaka eta bikoteak egiten den erabateko dantza da jota, "aldi berean iradokitze, jolasteko eta gortetzeko aukera ematen duena". Eta etengabe eguneratze eta berrizatzeko aukera ematen duenez, erabateko indarra eta gaurkotasuna duen kultur adierazpena bilakatu da.

Atzerriko eta bekatuzko dantza izatek euskal dantza kasto eta garbia izatera pasa zen, abertzaleen bedekiazio guztiekin. "XIX. mendearen amaieran dantza bekatuzkotzat eta erotikotzat ikusia izan zen, eta XX. mendean bertako dantza kasto eta

"Andaluzia edo Valentziatik etorri eta gurean herriak moldatu zuen jota"

IÑAKI IRIGOYEN
Soziologo, maisu eta dantza ikertzailea



"La jota no es un baile de aldeanos; muy al contrario, porque se bailaba en Bilbao"

JON PERTIKA
Beti Jai Alai taldearen zuzendaria



garbiaren sinbolo bilakatu. Horrela, dokumentalean parte hartzen duten aditu eta ikerlari ugarien ekarpenek jotaren errealitatearen ikuspegi askoz ere zabalagoa, aberatsagoa eta

anitzagoa ematen digute", azaldu dute egitasmoaren babesleek.

Eta atzeritik heldu zitzaigun dantza molde berria. *Jotamentala* agertzen den Iñaki Irigoyen soziologo eta dantza ikertzaileak ez du zalantzarik: "Andaluzia edo Valentziatik etorri zitzaigun, eta badakigu duela 200 bat urte euskaldunek dantzatzeko zutela; gurean herriak moldatu egin zuen jota. Baina inportanteena ez da nondik etorri zen, baizik eta hori, herriak bere egin zuela jota". Berak plazetan eta erromerietan ikasi zuen fandango edo jota dantzatzeko, baina Irigoyenek dio XVIII. mendean jendeak leku askotan dantzatzeko zutela: "Basaurin, Abandon, toki askotan dantzatzeko zen, panderoa lagun. Ora in plazetan ez du ia inork dantzatzeko, eta gu berriro hasi gara erromeriak antolatzen, ohiturari eusteko. Eta, dantza hedatu nahi badugu, lengoia erraz bat asmatu behar dugu dantzarako, txapelketatan ikusten denaren guztiz kontrako".

Beti Jai-Alai taldeko zuzendari Jon Pertika ere Iriondoren lerrokoa da. Gainera, Bilboko dantza maisuak jota hiritarra dela defendatzen du: "Normala denez, garai batean hiri-buru handietatik sartzen ziren dantza berriak, eta gero herrietara zabaldutako. Bilbon aspalditik egin izan da jota, eta nik neuk ere ikusi dut jendea dantzatzeko, Casillan. Orduan bai, dantzari gehienak Arratiako langileak ziren. Gogoratzen dut ondo Txilibriren eskutik ikasi genuela, berak dantzatzeko zuen abilezia eta modu diferente eta eder horrekin. Orain, ikusten ditut telebistan ematen dituzten txapelketak eta iruditzen zait guztiek dantzatzeko dutela berdin. Gehiago gustatzen zait erromeriak ematen duen askatasuna, bakoitzak bere ekarpena egin dezan".

Bistakoa denez, testigantzak biltzeko orduan AIKOk ahailegin berezia egin du, euren esperientzia eta ibilbidea kontuan izanda, jotari buruz zer esan handia duten ahots garrantzitsuak elkartzeko. "Dantza herrikoaren erretratu aberats eta inpresionista horretan, bakoitzak,

folklorearen adierazpen horren dimentsio anitzeko ikuspegia aberastan duen ikuspuntua ematen du", adierazi dute egileek.

Horrez gain, filmak, Iberiar penintsulako eta Hego Ameriketa-lurralde askotako folklorea eta tradizioetan agertzen den dantza herriko honen kulturartekotasuna azpimarratzen du. "Jotaren ibilbideak norberaren kultura bestearen ikuspegitik berrikustera eta forma aldetik dituen adierazpen ugariak aztertzeri behartzen gaitu. Euskal Herrian, adibidez, jatorriz zuen gorteatzeko funtzioaren lekua euskal nazionalismoak eman zion funtzio sinbolikoak hartu zuen, eta, aldi berean, estiloa ere aldatu egin zuen, balletetik gertu zeuden formak jasotzeko", azaldu dute AIKOkideek. Azken hamarkadatan, baina, balioa eman zaio jatorrizko estiloari: bikotearekin egiten den jolasa, musikaren eta erritmoaren garrantzia, inprobisazioa, eta baita pausoan eta lurrean egiten den dantzaren teknika tradizionala ere.

Adituen iritziarekin bate-

ra, *Jotamentalak* lanak balio estetiko handia duten sekuentziak eta irudiak eskaintzen ditu, "musikaren eta mugimenduaren bitartez hitzak gainditzeko dituzten kontzeptuak eta sentimenduak transmititzu". Laburbil-

duz, batez ere komunikazio ariketa gisa ulertzen den dantzaren ideia ematen du film berriak.

ORSON WELLES ETA CYRUS Baionako, Hernaniko, Donostiako, Bilboko, Durangoko, Areatzako eta Zea-

nuriko hainbat lekutan filmatu den *Jotamentalak* nabarmentzekoa da artxibategietan aurkitutako material baliotsua erakusten duela, argazkiak eta filmak, Kutxaren artxibategian, Gipuzkoako Artxibategi Orokorrean edo Bilboko Euskal Museoan jasotakoak, besteak beste. Horrez gain, 1955ean Orson Wellesek egin zuen *The Land of the Basques* dokumentalaren sekuentzia bat ere jasotzen du. Bere 50 minutuetan, *Jotamentalak* hainbat motatako eszenatokitara eramaten du ikuslea: AIKOn emanaldietatik Kukai edo Ereintza Dantza Taldeen koreografiatara, XVIII. mendeko jauregieta-koko dantza bat edo XVI. mendeko gallarda bat berregite-ra, gaur egun artxibategietan gordetzen diren etxean egindako filmazioetara...

Jotaren unibertsoari ematen dion gainbegiratuan, beste musika genero eta estilo batzuekin dituen lotura ugariak ere aipatzen ditu. Horrela, dokumentalaren soinu bandak mota guztietako melodiak jasotzen ditu, Jordi Savallen edo Enrike Solinisen antzinako musika, Miley Cyrusen popetik igaroz, Jesus Guridiren piezak, Asturiaseko, Galiziako eta Salamancako jotak edo Eva Cassidyk eskaintzen duen Tennesseeko balsa ahaztu barik. ●

EL BAILE 'COMECOCOS'

● **Variedad de ritmos.** A Sabin Bikandi, txistulari, doctor en Etnomusicología y miembro de AIKO Taldea, la jota le parece un "comecocos", por "la variedad de ritmos que presenta". "Le da muchas opciones al músico, y también a la persona que baila; ofrece muchas opciones para jugar y cada 'dantzari' le puede dar su estilo. Para nosotros, eso es lo interesante; eso y las relaciones, porque la jota se baila entre dos y es ideal para relacionarse y conocerse", opina el músico, que en 2015 logró el Premio Max de las Artes Escénicas por la mejor composición musical para espectáculo escénico por 'Gelajauziak', de Kukai.

● **Dificultad.** La jota no es un baile complicado, aunque los concursos que se organizan en Euskal Herria dan a entender otra cosa. Patxi Laborda, miembro de AIKO, maestro de danza y coreógrafo, lo explica así: "Mucha gente cree que la jota es difícil, pero eso ocurre porque nos volvemos esclavos de lo que vemos. Por tanto, creemos que es difícil porque vemos que se baila de manera difícil. Si queremos que la gente participe hay que romper con esa inercia".



Laborda eta Bikandi, Irigoien eta Petrikarekin. Argazkia: Oskar Martínez

Gracias por ayudarnos a poner la ópera de Bilbao al alcance de todos.

Mil esker Bilbon Opera guztion esku ipintzeko laguntzeagatik



MECENAS / MEZENAK	PATROCINADOR PRINCIPAL / BARESLE NAJASIA	PATROCINADORES / BARESLEAK
COLABORADORES / LAGUNTZAILEAK		
ASOCIADOS / BAKIDEAK		

LAGUNTZAILEA



¿Quieres sumarte a este compromiso? Konpromiso honekin elkartu nahi duzu?

patrocinios@abao.org • 944 355 100